

P1

而構流形于山川麗狀于木  
石者惡可勝言乎然則總其  
所以乖鼓之于一響成其所  
以變混之于一象世之所謂  
異未知其所以異世之所謂

不異未知其所以不異何者  
物不自異待我而後異異果  
在我非物異也故胡人見布  
而疑麋越人見芻而駭毳夫  
翫所習見而竒所希聞此人

情之常蔽也今畧舉可以明  
之者陽火出于冰水陰鼠出  
于炎山而俗之論者莫之或  
怪及談山海經所載而咸怪  
之是不怪所可怪而怪所不

可怪也不怪所可怪則幾于  
無怪矣怪所不可怪則未始  
有可怪也夫能然所不可不  
可所不可然則理無不然矣  
案汲郡竹書及穆天子傳穆  
王西征見西王母執璧帛之  
好獻錦組之屬穆王享王母  
于瑤池之上賦詩往來辭義  
可觀遂襲崑崙之丘遊軒轅  
之宮眺鍾山之嶺玩帝者之

寶勒石王母之山紀跡玄圃  
之上乃取其嘉木豔草奇鳥  
怪獸玉石珍瑰之器金膏燭  
銀之寶歸而殖養之于四國  
穆王駕八駿之乘右服盜驪  
左驂騾耳造父爲御犇戎爲  
右萬里長驚以周歷四荒名  
山大川靡不登濟東升大人  
之堂西燕王母之廬南轅竈  
鼉之梁北躡積羽之衢窮歡

極娛然後旋歸案史記說穆  
王得盜驪騾耳驂騶之驥使  
造父御之以西巡狩見西王  
母樂而忘歸亦與竹書同左  
傳曰穆王欲肆其心使天下  
皆有車轍馬跡焉竹書所載  
則是其事也而譙周之徒足  
爲通識瑰儒而雅不平此驗  
之史考以著其妄司馬遷叔  
大宛傳亦云自張騫使大夏

之後窮河源惡覩所謂崑崙  
者乎至禹本紀山海經所有  
怪物余不敢言也不亦悲乎  
若竹書不潜出于千載以作  
徵于今日者則山海之言其  
幾乎廢矣若乃東方生曉畢  
方之名劉子政辨盜械之尸  
王頎訪兩面之客海民獲長  
臂之衣精驗潜効絕代懸符  
於戲羣惑者其可以少寤乎



是故聖王原化以極變象物  
以應怪鑒無滯蹟曲盡幽情  
神焉瘦哉神焉瘦哉盖此書  
跨世七代歷載三千雖暫顯  
于漢而尋亦寢廢其山川名  
號所在多有舛謬與今不同  
師訓莫傳遂將湮泯道之所  
存俗之所喪悲夫余有懼焉  
故爲之創傳疏其壅閼闢其  
茀蕪領其玄致標其洞涉庶

幾令逸文不墜于世竒言不絕于今夏后之迹靡刊于將來八荒之事有聞于後裔亦可乎夫翳薈之翔叵以論垂天之凌蹄涔之遊無以知絳虬之騰釣天之庭豈伶人之所躡無航之津豈蒼兕之所涉非天下之至通難與言山海之義矣嗚呼達觀博物之客其鑒之哉

山海經係字內窮荒圖籍景純語怪崇信物  
德徵語常崇信理逞嘉靖丁酉刻于河汾歲  
久漫泐會今萬曆丁酉董誼翁座師權稅吳  
關間出舊編命訂魯亥重付剞劂括其大凡  
竝言信而有徵匪它稗官野史埒也是歲王  
正晉陵後學蔣一葵識於堯山堂

序竟



序山海經釋義



甚哉先王之道不明於後世  
也異言出而教衰邪音奏而  
雅亾甚哉先王之道不明於  
後世也今夫經常也道之體  
也一日而缺常是缺道也是

故聖人履常所以神化也君子信道所以昭訓也先王守一不二所以正人也山海經何為者與是故以之治世則頗而不平以之序倫則幻而鮮實以之垂永則褻而寡要惡在其為經也顧歷世既久傳者寢廣大荒而後益又甚焉仁者見之則曰理無往而不可體也知者見之則曰言無往而不可察也是何怪其混六籍而並行至於今也雖

然晉之郭璞吾將竒其人而  
偉其博也然而弗信理而信  
物不語常而語恠也此吾釋  
義之所由作也君子尚有擇  
於斯乎尚有感於斯乎

澶淵後學端溪子王崇慶序

重刻山海經釋義序


昔淵明讀山海經而曾次悠然  
蓋其人品殊絕以吾心之法象  
流通於天地萬物之表若仁智  
者互有所見耳迄我明王太宰  
公擷秀獨異足以駕談千古爰

為是經釋義凡名山大川鳥獸  
昆虫金玉草木遠近險夷美惡  
妖祥等皆入其流觀臥遊中而  
各斷以己意蓋歷世既久則滄  
桑變遷跡隨時異寔存名改者  
有之故是書成而疑信晰羣蒙  
開天下後世曉然知有是言而  
無是理者無是理而有是事者  
又有是事而有是理者無是事  
而無是理者宇宙間至不齊者  
物顧以一心劑量之非公釋山  
海經乃經釋公也夫公立朝若

千年侃侃以忠義自許九夷八蠻  
際蟠所極莫不欲其歸於總理  
使

聖明之化無遠弗屆其為釋非  
無意也相傳是經創于禹益傳  
於郭景純無論也千載而下當  
以公之見之言為定衡焉余甲  
午所取士晉陵蔣生一葵雅稱  
博瞻則既訂公所著五經心義  
剖剔就帙茲復令訂此編梓廣  
同志或問余曰先生既梓之矣  
當必籌之孰陶歟仁歟智與應

之曰三者有志未逮乃所願則  
學太宰公同與此經垂不朽云  
後學董漢儒撰



# 序畢

侍中奉車都尉光祿大夫臣秀領校秘書言校秘書太常  
屬臣望所校山海經凡三十二篇今定爲一十八篇已定  
山海經者出于唐虞之際昔洪水洋溢漫衍中國民人失  
據崎嶇於丘陵巢於樹木絲旣無功而帝堯使禹繼之禹  
乘四載隨山刊木定高山大川蓋與伯翳主驅禽獸命山  
川類草木別水土四嶽佐之以周四方逮人跡之所希至  
及舟輿之所罕到內別五方之山外分八方之海紀其珍  
寶奇物異方之所生水土草木禽獸昆蟲麟鳳之所止禎  
祥之所隱及四海之外絕域之國殊類之人禹別九州任  
土作貢而益等類物善惡著山海經皆聖賢之遺事古文



之著明者也其事質明有信孝武皇帝時嘗有獻異鳥者食之百物所不肯食東方朔見之言其鳥名又言其所當食如朔言問朔何以知之即山海經所出也孝宣皇帝時擊磻石於上郡陷得石室其中有反縛盜械人時臣秀父向為諫議大夫言此貳負之臣也詔問何以知之亦以山海經對其文曰貳負殺窳窳帝乃梏之䟽屬之山桎其右足反縛兩手上大驚朝士由是多竒山海經者文學大儒皆讀學以為竒可以考禎祥變恠之物見遠國異人之謠俗故易曰言天下之至賾而不可亂也博物之君子其可不惑焉臣秀昧死謹上

山海經總目十八卷

本三萬九百十九字註二萬三百五十字總五萬一千二百六十九字

南山經第一

原本三千五百四十七字註釋二千一百七十七字

西山經第二

原本五千六百七十二字註釋三千二百三十三字

北山經第三

原本五千七百四十六字註釋二千三百八十二字

東山經第四

原本二千四百五十字註釋三百七十五字

中山經第五

原本四千七百一十八字註釋三千四百八十五字

海外南經第六

原本五百一十一字註釋六百三十二字

海外西經第七

原本五百三十七字註釋四百五十二字

海外北經第八

原本五百八十四字註釋四百九十三字

海外東經第九

原本四百四十二字註釋五百九十五字

海內南經第十

原本三百六十四字  
註釋七百九字

海內西經第十一

原本四百三十九字  
註釋六百九十五字

海內北經第十二

原本五百九十四字  
註釋四百九十五字

海內東經第十三

原本六百二十四字  
註釋一千四百九十五字

大荒東經第十四

原本八百六十四字  
註釋八百一十三字

大荒南經第十五

原本九百七十二字  
註釋五百九十八字

大荒西經第十六

原本一千二百八十二字  
註釋一千二百三十二字

大荒北經第十七


原本一千五百六十七字  
註釋七百六十七字


海內經第十八

原本一千二百一十一字  
註釋九百六十七字  
此海內經及大荒經本皆逸在外

董先生新校考証字數未計











訖曰神祀亦為鳥

人

鶴




長右


狸



第五圖


圖像山海經














數斯

獯如



鸛


犀

鷓鴣



鸞

鳥侯



飛獸之神

厭朱



欽原



陸吾



土螻



山海經

卷十三



英招



駐渴



西王母



長桑



狡



鳩



帝江



微個



方畢



天狗



狴








鷓鴣



謹





設設



窮奇



鯀



執湖




鯀



朶疏



何羅



儵



鵠



孟視



鰐



滑



富狀



幽鳴



鷓



玉極




素乾



白鶴



諸犍



夔



旄牛



長蛇



竦斯



